



SAMTÖK
STARFSMANNA
FJÁRMÁLAFYRIRTÆKJA

ÁRSSKÝRSLA SSF 2024



Efnisyfirlit

Nokkur atriði um starfsemi SSF	4
Fjöldi félaga í SSF	4
Helstu tölur úr rekstri ársins 2024	6
Laun og launatengd gjöld	6
Tölvukerfi SSF	6
Þing SSF	7
Erlent samstarf	7
Launakönnun	8
Fræðslu-, kynningar- og útgáfustarfsemi	8
Styrktarsjóður SSF	9
Skipting styrkja árið 2024	10
Menntunarsjóður SSF	11
Skipting styrkja árið 2024	12
Vinnudeilusjóður	13
Grunnsjóður SSF	13
Ferli við samþykkt reikninga/ársreiknings	14

Nokkur atriði um starfsemi SSF


SSF er leiðandi stéttarfélag fyrir starfsmenn fjármálafyrirtækja og tengdra fyrirtækja.

SSF er í forystu við gerð kjarasamninga sem tryggja góð réttindi og kjör félagsmanna. Stéttarfélag sem tryggir gott samstarf við atvinnurekendur, aðildarfélög og trúnaðarmenn með hag félagsmanna að leiðarljósi.

Skrifstofa SSF er í Nethyl 2E og er húsnæðið í eigu félagsins.

Árið 2024 störfuðu á skrifstofu SSF fjórir starfsmenn, þrír í fullu starfi og einn í 80% starfshlutfalli.

Fjöldi félaga í SSF



	Konur	Hlutf %	Karlar	Hlutf%	Kynsegin	Samtals
2024	1993	54%	1730	46%	1	3724
2023	1981	54%	1685	46%	1	3667
2022	1892	54%	1631	46%		3523
2021	1958	56%	1541	44%		3499
2020	2097	57%	1570	43%		3667
2019	2257	59%	1541	41%		3798
2018	2337	60%	1570	40%		3907

Tölur m.v. iðgjöld í nóvember hvert ár.

Stjórn SSF skipa 9 félagsmenn sem kjörnir eru til þriggja ára í senn á þingi SSF. Stjórnarseta er launuð og eru laun stjórnarmanna ákveðin á þingi SSF.

Árið 2024 voru aðildarfélög að SSF ellefu talsins. Forsvarsmenn aðildarfélaga hafa beina aðkomu að starfi og stefnumótun SSF. Félagsmenn aðildarfélaga SSF kjósa fulltrúa á þing SSF. Um 95% félagsmanna SSF standa að baki þessum 11 aðildarfélögum en um 5% eru með einstaklingsaðild að félaginu. Starfsmenn fyrirtækja í fjármálatengdri starfsemi geta sótt um einstaklingsaðild að SSF.

Formannafundir SSF eru haldnir einu sinni á ári og oftast ef þörf er á. Fundina sitja stjórnarmenn SSF, formenn og stjórnarmenn aðildarfélaga auk reyndra trúnaðarmanna. Formannafundir hafa það hlutverk að fylgjast með störfum stjórnar SSF, vera henni til ráðuneytis og styrkja tengslin milli aðildarfélaganna og stjórnar SSF. Á árinu 2024 var haldinn formannafundur í maí í tengslum við gerð kjarsamninga.

Tæplega hundrað trúnaðarmenn eru fulltrúar SSF á vinnustöðum. Trúnaðarmenn eru mikilvægur hlekkur í rekstri stéttarfélagsins og leggur SSF mikla áherslu á traust samband milli trúnaðarmanna og skrifstofu SSF, til dæmis með fræðslustarfi á sérstökum námskeiðum fyrir trúnaðarmenn.

SSF hefur umsjón með sjóðum SSF, það er Styrktarsjóði, Menntunarsjóði, Grunnssjóði og Vinnudeilusjóði og hefur með höndum allan daglegan rekstur sjóðanna í samræmi við úthlutunarreglur og í samráði við stjórnir sjóðanna.

Helstu tölur úr rekstri ársins 2024

Samtök starfsmanna fjármálafyrirtækja (SSF)

Rekstrartekjur SSF	185.313
Rekstrargjöld SSF	214.286
Laun og launatengd gjöld	121.397
Tölvukerfi SSF	18.081
Aðkeypt ráðgjafabjónusta	6.932
Kostn. v/fræðslu-, kynningar- og útgáfustarfsemi	29.042
Rekstur fasteigna	11.168
Erlent samstarf	8.764
Fjármunatekjur og fjármagnsgjöld	30.800
Hagnaður ársins	1.827
Eigið fé	548.966

Laun og launatengd gjöld

Árið 2024 voru 4,3 ársstörf (inni í tölunni er ræstitæknir) á skrifstofu SSF auk þess sem níu manna stjórn SSF fær greidd laun samkvæmt ákvörðun þings SSF hverju sinni. Allri daglegri starfsemi er sinnt á skrifstofu SSF en sérhæfðum málum, svo sem lögmanns- og tölvubjónustu sem og hluta af útgáfu- og kynningarstarfi er útvistað.

Tölvukerfi SSF

SSF rekur tölvukerfi sem er leigt og bjónustað af DK. Fyrirtækið Kaktus Kreatives ehf. sér um „Mínar síður“, auk þess að sjá um rekstur á heimasíðu félagsins. Rekstur SSF er þess eðlis að tölvukerfi félagsins geymir mikið magn persónuupplýsinga og leggur félagið því mikla áherslu á öryggismál.

Þing SSF

Þing SSF fer með æðsta vald í öllum málefnum SSF. Þingið er haldið á þriggja ára fresti og var síðasta þing haldið í mars 2022. Þegar þetta er ritað er næsta þing á döfinni í mars 2025 sem er 90 ára afmælisár samtakanna. Á þingi SSF eru stefna og áherslur í starfi félagsins ákveðnar til þriggja ára í senn, ný stjórn SSF er kosin auk þess sem fjárhagsáætlun er gerð fyrir rekstur SSF til næstu þriggja ára. Á milli þinga er rekstur SSF í höndum starfsmanna SSF, stjórnar SSF og formannafunda. Þing SSF er skipað 65 fulltrúum allra aðildarfélaganna SSF en auk þeirra sitja þingið starfsmenn SSF, gestir og stjórn SSF. Þingið er skipulagt með þéttri dagskrá í tvo heila daga. Þingfulltrúar fá ekki greitt fyrir þingsetu en SSF greiðir ferðakostnað, gistingu og uppihald.

Erlent samstarf

SSF er aðili að tveimur erlendum regnhlífasamtökum. Þetta eru norrænu samtökin NFU (Nordic Financial Union) og alheimssamtökin UNI sem eru samtök starfsmanna sem starfa við þjónustu. SSF tekur virkan þátt í starfi þessara samtaka og situr Ari Skúlason, formaður SSF í stjórn NFU og í miðstjórn NFU sitja þau Ari og Guðný S. Magnúsdóttir 2. varaformaður SSF. Aðild að NFU tryggir einnig aðgang að sameiginlegum norrænum vinnudeilusjóði.

Þá hefur SSF einnig átt fulltrúa í ungliðasamtökum verkalýðsfélaga UNI-Youth, en Jóhanna M. Jónsdóttir, stjórnarmaður í SSF, tók við sem formaður stjórnar UNI Europa Youth í maí 2023, og sem formaður stjórnar UNI Global Youth í október 2023. Þar situr hún meðal annars í kvennanefnd (Womens committee) og í framkvæmda- og rekstrarnefnd (Executive and management committee). Stærstur hluti kostnaðar vegna erlends samstarfs er félagsgjöld til þessara tveggja samtaka.

Launakönnun

Það er stefna stjórnar SSF að framkvæma launakannanir annað hvert ár, en þó með tilliti til stöðu kjarasamninga hverju sinni. Síðasta könnun var framkvæmd í nóvember 2023 í aðdraganda kjarasamninga. Markmiðið með launakönnun er að fylgjast með almennum kjörum félagsmanna og breytingum á kaupi og kjörum milli ára. Einnig eru ýmsir aðrir þættir í starfi og starfsaðstæðum félagsmanna kannaðir, meðal annars vinnutími, vinnuálag, ánægja í starfi, traust á jafnlaunavottun o.fl. Skoðun félagsmanna á þjónustu SSF er könnuð, og almennt eru félagsmenn ánægðir með samskiptin við starfsmenn SSF.

Á heimasíðu SSF má finna niðurstöður launakönnunar 2023.

Þar má einnig finna eldri kannanir.

Fræðslu-, kynningar- og útgáfustarfsemi

Ekkert SSF-blað kom út á árinu 2024. Á þingi SSF 2022 var ályktað þess efnis að hætta útgáfu SSF-blaðsins á prenti og nýtir félagið því aðallega vef- og samskiptamiðla til að miðla upplýsingum til félagsmanna.

SSF hélt námskeið fyrir nýja trúnaðarmenn í mars 2024 á sem tókst vel að venju, enda afar gagnlegt og gott að hitta trúnaðarmenn og fyrir þá að hitta aðra trúnaðarmenn, stjórn og starfsmenn SSF. Þá var haldið ræðunámskeið fyrir trúnaðarmenn í nóvember 2024 sem mæltist vel fyrir meðal þeirra sem tóku þátt. Að auki var haldinn einn formannafundur á árinu í tengslum við gerð kjarasamninga sem trúnaðarmönnum var einnig boðið á.

Á heimasíðu SSF er að finna trúnaðarmannahandbók SSF sem er handhægt uppflettirit með ýmsum gagnlegum upplýsingum auk bæklingins "Traustur bakhjarl", lítill upplýsingabæklingur um helstu kjör SSF.

Styrktarsjóður SSF

Sjóðurinn var stofnaður á grundvelli bókunar með kjarasamningi sem undirritaður var í apríl 1997. Sjóðurinn hefur úthlutað styrkjum til félagsmanna frá árinu 1999. Sjóðurinn er fjármagnaður með framlagi atvinnurekenda sem greiða upphæð sem nemur 0,7% af launum starfsmanna.


Meginverkefni Styrktarsjóðs er að greiða félagsmönnum SSF sjúkradagpeninga verði þeir óvinnufærir vegna veikinda eða slysa og hafa nýtt veikindarétt sinn samkvæmt kjarasamningi SSF að fullu. Sjóðurinn endurgreiðir jafnframt hluta kostnaðar vegna ýmissa fyrirbyggjandi meðferða og skoðana samkvæmt úthlutunarreglum sjóðsins hverju sinni.

Heildarúthlutun úr Styrktarsjóði árið 2024 nam rúmlega 275 m.kr samanborið við rúmlega 261 m.kr árið 2023. Fjöldi afgreiddra almennra styrkja 2024 var tæplega 5.300 til rúmlega 2000 félagsmanna, 55 félagsmenn fengu greidda sjúkradagpeninga.

Rekstrartekjur	335.138
Rekstrargjöld	275.188
Fjármunatekjur og fjármagnsgjöld	15.008
Hagnaður	74.958
Eigið fé	307.678

Styrktarsjóður

Skipting styrkja árið 2024



Hlutfallsskipting:

	Fjöldi	Í þús	Í %
Aðrir styrkir	227	8.729	3%
Hjartaskoðun og þyngdarátak	273	7.987	3%
Krabbameinsskoðun	503	8.044	3%
Sálfræðimeðferð	1253	38.041	14%
Sjúngler, linsur, laser og heyrnartæki	823	37.263	14%
Sjúkrabjálfun, nudd	2157	34.567	13%
Tæknifrjógvun/Ættleiðing	63	14.540	5%
Sjúkradagpeningar		125.833	46%
Samtals	5.299	275.004	100%

Fjárhæðir í þús. króna

Menntunarsjóður SSF

Markmið Menntunarsjóðs SSF er að efla félagsmenn í starfi og gera þá að verðmætari starfsmönnum. Sjóðnum er ætlað að veita styrki vegna kostnaðar við menntun, símenntun og endurmenntun og voru fyrst veittir styrkir úr honum árið 2001. Sjóðurinn styrkir einnig ýmis námskeið í námstækni, og námskeið sem nýtast til félagsstarfa. Á 47. þingi SSF 2019 var samþykkt sérstakt tímabundið átak til þriggja ára í menntunarmálum, reglur rýmkaðar og styrkir hækkaðir, ekki síst í því skyni að gera félagsmönnum kleift að takast á við önnur ólík störf í kjölfar uppsagna. Þær reglur sem settar voru í tengslum við þetta átak hafa haldist með óbreyttu sniði síðan. Í síðustu kjarasamningum (2024) náðist samkomulag um hækkun framlags atvinnurekenda í Menntunarsjóð úr 0,21% í 0,30% af heildarlaunum félagsmanna. Hækkunin tók gildi frá 1. júní 2024.

Hámarksstyrkur á misseri er 80% af námskeiðsgjöldum, þó aldrei hærri en kr. 175.000. Félagsmaður getur fengið allt að kr. 525.000 samtals á ári í styrk stundi hann nám öll þrjú misserin, janúar-maí, júní-ágúst og september-desember.


Fjöldi veittra styrkja á árinu 2024 voru um 1450, flestir vegna grunn- og framhaldsnáms í Háskóla eða um 575 styrkir.

Rekstrartekjur (Árgjöld)	125.872
Rekstrargjöld	118.936
Fjármunatekjur og fjármagnsgjöld	1.744
Hagnaður	8.679
Eigið fé	58.638

Fjárhæðir í þús. króna

Menntunarsjóður

Skipting styrkja árið 2024



Hlutfallsskipting:

	Fjöldi	Í þús	í %
Háskólanám framhaldsnám	286	33.658	28%
Háskólanám grunnnám	289	31.006	26%
Nám á framhaldsskólastigi	117	11.456	10%
Endurmenntun/Stytttri námskeið/Tungumál	249	18.784	16%
Nám í verðbréfamiðlun	130	13.333	11%
Sjálfstyrking	57	4.004	3%
Tómstundastyrkir	320	6.508	5%
Samtals	1448	118.749	100%

Fjárhæðir í þús. króna

Vinnudeilusjóður

Tilgangur sjóðsins er að styrkja félagsmenn SSF ef til vinnudeilna kemur.

Árið 2013 var hætt að greiða inn í Vinnudeilusjóð en frá þeim tíma eru einu tekjur sjóðsins vaxtatekjur.

Vinnudeilusjóður hagnaðist um rúmar 58 milljónir kr. árið 2024 sem skýrist af vaxtatekjum.

Í lok árs 2024 voru eignir Vinnudeilusjóðs rúmur 1,2 ma.

Grunnsjóður SSF

Tilgangur sjóðsins er að vera varasjóður fyrir starfsemi SSF og sjóði SSF.


Sjóðurinn var stofnaður árið 2013 og rann 0,15% af 0,70% félagsgjaldi til sjóðsins fram að þingi 2022, en þá var samþykkt að lækka framlag til Grunnsjóðs úr 0,15% í 0,05% af 0,70% félagsgjaldi til sjóðsins.

Sú ákvörðun byggði á því að með kjarasamningum í maí 2019 var framlag til Styrktarsjóðs hækkað úr 0,70% af grunnlaunum í 0,70% af heildarlaunum.

Rekstrartekjur	14.147
Hagnaður	23.545
Eigið fé	155.205

Fjárhæðir í þús. króna

Ferli við samþykkt reikninga/ársreiknings





TRAUST



ÞEKKING



METNAÐUR

